

羅得致亞伯拉罕函

亞伯拉罕叔父大人尊鑒，敬稟者：

南地一別，參商兩方，曷勝惆悵！更以所多瑪、蛾摩拉為祝融光顧，幸携妻女逃命，得以免死；豈料侄婦心念金飾，回頭看望，突爾變成鹽柱，且廬舍成墟，財物盡失，每一念至，唏噓無已！回溯逃生以後，無處投奔，又因瑣珥不宜寄身，逼得匿居山洞，因酣醉誤事，兩女成孕，產下摩押、便亞米，遺臭萬載，貽害無窮，尤可悲者，此對不肖孽種，兩族屢世與以色列族為敵，搗亂中東，禍延天下，料將來作史者，定必弄董狐之筆，嚴於斧鉞之誅伐，思之不寒而慄，未哭而淚已盈眶矣！時耶？命耶？

忖思當年與大人分手之前，大人未盡長輩責任，示侄良方，只說「遍地不都在你眼前嗎？請你離開我。你向左，我就向右；你向右，我就向左。」簡哉斯言，既似啞謎，又似籤語，侄年幼失學，未識之無，更不解理論深奧，未明所以，只順眼望向平原，以滋潤之地適宜遊牧，故將帳棚挪移，此乃人之常情，所謂人同此心，心同此理，侄無背於理，無悖於情。至謂所多瑪、蛾摩拉兩城罪惡貫盈，招致神譴，此亦非人力可能回，人意所能測，而侄之後代如此，及今思之，對大人之怨懟，實難平於心已於言也。

矧以分家之由，乃因爾我兩幫牧人相爭而起，敢信必非大人教唆，而侄亦無嗾使，雙方無知魯莽之牧人所為，自可尋求解決辦法，而大人計不出此，只倡議分家，豈非計之天下者乎？目睹數千年來，兩家後代戰爭連綿，中東局勢動盪不安，甚且影響世界安危，五大洲四十億亞當子孫，日夕驚惶萬狀。大人深居樂園，樂也融融，優悠自得之餘，敢請再在神前禱告，以求化干戈為玉帛，可乎可乎？幸有以教此愚昧小侄，切盼切禱！謹修蕪函，肅叩

金安！

叔母大人均此不另。

小侄羅得敬稟

亞伯拉罕覆羅得函

羅得賢侄台如面：

接讀來書，不禁感慨萬千，老淚直垂！吾等兩家後裔，代代為仇，世世相恨，擾攘中東，影響世界安危。尤以近年來炸彈之案頻頻，屠殺之事屢屢，以致各地旅遊人士，裹足不前，如此下去，第三次世界大戰之發生，必在中東無疑，此為「哈米吉多頓」戰爭之預言歟！撫今追昔，無限辛酸！賢侄來書對愚怨懟責備，兼而有之。道之更令人難於接受，不獲已搥管作覆，希圖減少賢侄之誤會，而免除今人對愚之指摘，於願已足，夫復何求？

猶憶當年分手之前，賢侄心中所想，眼中所見，只是豪華舒適，故平原滋潤之地，賢侄以為「如同耶和華的園子，也像埃及地」，殊不知耶和華的園子——伊甸園，此園乃先祖陷在撒但罪惡中之傷心地，而並非樂園。埃及地，誠然是當年東方物產富饒之古國，卻是以色列人受苦四百三十年之為奴地。勿論如何，是賢侄樂意選擇而無人強逼，愚亦從未曾示意推介，為何嚴責此老年人耶？侄乃猶子比兒，愚存心公平，無偏子侄，完全公義之神，亦必鑒諸，且可作證，故愚當可坦然無懼於神前。

至於賢侄與兩女因亂倫成孕，留下孽種，遺臭萬年，亦遺害萬年，賢侄以酣醉為藉口，亦是託辭而已，豈能得天下人諒解乎？賢侄婦回頭看望而變成鹽柱，說為「心念金飾」，侄婦向無入息，何來許多金飾致令她念念不忘，此中定有蹊蹺，倘是為夫者之不義得來，而使妻子蒙災受累，則賢侄應負全責而自疚，於人無尤，不應責己輕而責人重也。

來書請愚再在神前禱告，以求化戈為玉帛，意至美善，愚禱告已成每日必修之課，自不需待賢侄喋喋。特此致覆，未盡欲言，並候

進步！

愚亞伯拉罕手覆

叔母等囑候